



UNIVERSITÄTS-  
BIBLIOTHEK  
PADERBORN

## **Fasti Mariani**

**Brunner, Andreas**

**Antverpiæ, M.D.C XXX III.**

S. Vitvs Martyr. 15. Iunii.

---

[urn:nbn:de:hbz:466:1-70962](https://nbn-resolving.org/urn:nbn:de:hbz:466:1-70962)

met. Cætera illius viri prodigia quis memoret? aquarum cursum stitit, amorem correxit, oleum auxit, lepram deterfit, infœcundis conjugibus prolem dedit, orbis reddidit; genti suæ insignes victorias, eidem fame laboranti gratuitam annonam præbuit. Illud æternâ memoriâ dignum, & identidem parum fidentibus Deo suggerendum. Obsesus à Syris, jamque pro desperato à familiari servulo defectus, paventem hoc promisso erexit: *Noli timere: plures enim nobiscum sunt, quàm cum illis.* Trepidanti nihilominus oculos prece aperuit, & diffusa toto monte auxilia ignitasque acies ostentavit. Hostibus vicissim suis offusâ oculis animisque caligine, torpentibus ducem se obtulit, eoque deduxit, unde si jure in eos agere libuisset, pedem nunquam erant relaturi. Hoc tu robur animi pallio Eliæ imputabis. rectè: sed cur times, qui in baptismo IESVM Christum iaduisisti? *Ex 4. Regum.*

## S. VITVS MARTYR. 15. Junii.

Liberalius coelum Româ etiam pueris triumphum non negat. Certè VITVS adolescentulus duodecim annos natus plures jam tyrannos, eosque inter parentem triumphavit. Flagra enim primò Christianâ fortitudinæ concocxit, & poterant videri aërem



verberasse non VITVM tortores, nisi & his, & unà Valeriano Proconsuli manus dirigisset. Restituit tamen hanc martyr tyranno, ne quem vinceret, desset. Hinc aulâ est inclusus à mulierculis, & ceteris illecebris instructâ, quò blandiore, hoc periculosiore scilicet carcere. Sed prælianti Coelites adfuere tantâ luce corusci, ut lucem curiosi parentis oculis eriperent. Et hos tamen, quò filium sapius victorem vel invitus videret, ingrato reddidit, ipse, atrociora patre supplicia meditante, Angelo remige usus, in alias terras trajecit. De crevere nimirum cœli, ut Romæ etiam triumpharet hæc virtus. Huc itaque evocatus, è Diocletiani filio malum hospitem orcum pepulit; sed stipendia tulit vincula. Ad bestias deinde damnatus, etiam has citius eicures, quàm tyrannum reddidit. In ollas porro injectus, igne ac pice timendas præthermis suis hæc Diocletiano laudavit. Ad extremum ex equuleo à genio tutelari ad ripas Silari asportatus, placidè inter umbras arboris animam victricè cœlo transmisit, puer, si annos; senex, si triumphos numeremus. *Ex Surio.*

S. LANDELINVS CONF.

15. Iunii.

**I**N latrones incidisti, quisquis è bonorum sodalitie in malorum contubernium